

متى أصبحت الأناجيل الأربعة ضمن أسفار العهد الجديد؟

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الاسلامية على اليوتيوب. وما زلنا نتكلم عن اهم موضوع ممكن نتكلم فيه فيما يخص الحوار الاسلامي - [00:00:00](#)

موضوع الكتب المقدسة وازاي تم اختيار الكتب المقدسة وما زلنا نتكلم عن الكتب المقدسة المسيحية تحديدا وهنقرا النهاردة مجموعة من الاقتباسات غاية في الاهمية بتتكلم عن الاناجيل تحديدا وامتى المسيحيين بدأوا يقبلوا الاناجيل ككتب - [00:00:15](#) لسة مسيحية في البداية لو انت مهتم بالحوار الاسلامي المسيحي ومقارنة الاديان والنقد الكتابي او لو انت مهتم بالقضايا الفكرية المعاصرة ومواضيع الايمان والاحاد. او لو انت مهتم بالاسلام بشكل - [00:00:35](#)

يبقى انت لازم تشترك في هذه القناة اضغط على زر الاشتراك الاحمر واضغط على علامة الجرس علشان تجي لك كل الاشعارات بكل حلقاتنا الجديدة. وما تنسوش الاطلاع على وصف الفيديو علشان تشوفوا فهرس المواضيع وعلشان تلاقوا لينك المدونة اللي عليها الوثائق اللي احنا عرضناها في هذا الفيديو وما تنسوش ان انتم تظهروا الكثير - [00:00:52](#)

الحب في التعليقات للاخ عبدالرحمن الشرقاوي اللي قام بجمع هذه الاقتباسات الهامة جدا. واول كتاب هنقرا منه النهاردة كتاب قرينا منه قبل كده او قلت ان في اكثر من كتاب بنفس العنوان لكنها كتب مختلفة. المرشد الى الكتاب المقدس بتاعة دبرا ريد ومارتن مان - [00:01:12](#)

كتاب بروتستانتى مترجم والوان وشغل فاخر من الاخر. في الصفحة رقم تسعناشر تحت عنوان قانونية العهد الجديد بيقول من الايام الاولى للكنيسة بدأ المسيحيون الاوائل بحفظ نصوص محددة. في البداية ركزوا على اقوال يسوع - [00:01:32](#) نفسه. اننا نعلم ان جميع تلك الاقوال يفسر التداخل كلمة مقابل كلمة الحاصل في قصص الانجيل. خل بالك هنا في نقطة في غاية الاهمية لان احنا شرحنا الكلام ده ببعض التفصيل في الفيديوهات الاولانية اللي اتكلمنا فيها عن القانون والسلطان والوحي وهكذا - [00:01:52](#)

قلنا ان الموضوع متعلق بالسلطان. شئ قانوني يعني شئ له سلطان. والشئ له سلطان يعني متعلق بالله لان الله عز وجل نفسه هو اعلى سلطان. وبالتالي في البداية خالص اهم سلطان مسيحي كان يسوع المسيح نفسه يا اما - [00:02:12](#) اما باعتباره انه نبي ورسول يبوحي اليه من الله عز وجل. او انه له اي علاقة بالله فيما بعد. لانه الله نفسه اللي نزل من السماء وتجسد وتأنس وعاش على الارض كائنسان. في نهايات القرن الاول الميلادي بدأنا نلاقي ما يدل على - [00:02:32](#) ان المسيحيين طبعوا ولا شك بيتخذوا كلام المسيح على انه قانون ونص مقدس بنلاقي ان كتبة العهد الجديد بيقتبسوا بعض الاقوال للمسيح وانا هنا مش بتكلم عن الاناجيل. بتكلم عن اعمال الرسل ورسائل - [00:02:52](#)

بولس والرسائل الكاثوليكية وسفر الرؤية. وخصوصا رسائل بولس ورسائل الكاثوليكية. اللي هي كتابات مسيحية مكتوبة لمجموعة من المؤمنين المسيحيين واهيانا في وسط الكلام باقتبس كلام ليسوع على انه كلام يسوع فلازم نسمع كلامه - [00:03:12](#) ما بقولش ان انا باقتبس من انجيل. باقول ان الرب قال او يسوع قال او كذا. دي نقطة مهمة. لان احنا في الوقت ده احنا مش عارفين هم كانوا بيحيوا كلام يسوع منين تحديدا لكن بنقدر نفهم ان كلام المسيح على قدم المساواة مع باقي الكتابات المقدسة زي -

[00:03:32](#)

مثلا اصفار موسى الخمسة اللي هم اهم كتب مقدسة يهودية واللي المسيحيين الاوائل تنبواها ككتب مقدسة مسيحية هم كمان يبقى

اول حاجة ركزوا على اقوال يسوع نفسه. وبعدين اقوال يسوع دي بقى كانت تنتقل ما بين الناس ازاي - [00:03:52](#)
بتتدون على اي اساس. وكانوا بيعرفوا منين ان يسوع بالفعل قال الكلام ده ولا لا؟ دي كلها مشاكل المسيحيين ادفعوا عن ان هم يتكلموا فيها او يحاولوا يشوفوا ازاي هيثبتوا اصالة كلام يسوع. هنا قال لك ايه بقى؟ انجيل - [00:04:12](#)

توما الذي يحتوي على قائمة من اقوال يسوع كان يشار اليه احيانا من قبل قادة الكنيسة في القرن الثاني. انجيل تومة ده غير موجود في العهد الجديد حاليا. لكنه عند الغالبية العظمى من دارسي العهد الجديد والتاريخ المسيحي المبكر يعتبر - [00:04:32](#)
من اهم واقدم الكتابات المسيحية المبكرة التي حفظت لنا اقوال يسوع. وبنقدر نعرف من خلال كتابات الاباء الاوائل ان كان في اهتمام شديد باقوال يسوع. مش حياة يسوع. وبنقدر نعرف ان - [00:04:52](#)

فيه انواع من الاناجيل فيه اناجيل قصصية وفيه اناجيل طفولة وفيه اناجيل اقوال. الاناجيل القصصية زي متى مرقص ولوكا ويوحنا؟ حاجة بيقلوها بالانجليزي او يعني بتحكي القصة. انجيل سردي بيحكي لك ظروف بيحكي لك مواقف بيحكي لك حوارات ونقاشات - [00:05:12](#)

وفيها ايضا اقوال يسوع مع افعاله مع معجزاته مع سفرياته وهكذا. فهي قصة. فيه بقى ناجيل ثانية زي انجيل توما قبلي ده انجيل اقوال ما فيهموش غير قال يسوع كذا قال يسوع كذا قال يسوع كذا قال يسوع كذا مية واربعناشر قول منسوبين للمسيح - [00:05:32](#)

بقى نجيل طفولة متخصصة في انها تسرد وتحكي قصص طفولة. طفولة المسيح طفولة مريم طفولة اي حد مهم في المسيحية لكنها فقط بتحكي عن الطفولة. احنا بنقدر نعرف من خلال الاطلاع على كتابات الاباء الاوائل ان اقدم الاناجيل اللي تمت - [00:05:52](#)
تدوينها كانت اناجيل اقوال وليست اناجيل قصصية. من ضمنهم انجيل توم القبطي ده. يعتبر من اقدم المصادر المسيحية المبكرة اللي دونت كلام المسيح بغض النظر ان احنا ما نعرفش هي جابت الكلام ده منين وما مدى اصالة نسبة - [00:06:12](#)
هذا الكلام للمسيح لكنها يعني عارف انت انت لا تملك الا ده. حتجيب كلام المسيح منين؟ من الوثائق المحفوظة. بغض النظر عن مدى مصداقيتها لاني لا املك رفاهية ان انا اختار الاصح والافضل ما بين وثائق كتير الوثائق اللي عندي عددها قليل جدا - [00:06:32](#)
فهنا قال لك انجيل توما الذي يحتوي على قائمة من اقوال يسوع كان يشار اليه احيانا من قبل قادة الكنيسة في القرن الثاني. ايضا كلمات وكتابات الرسل انظر قاموس المصطلحات اللي هم عشان تعرف مين الرسل دول يعني؟ قلنا الرسل دول هم الناس اللي كان لهم علاقة بالمسيح الصحابة - [00:06:52](#)

الجيل الاول من اتباع المسيح. كلمات وكتابات الرسل كسبت بعض الاعتراف المبكر. في الحقيقة هوية الكاتب طولية او في الواقع الارتباط برسول ما اصبحت الاختبار الاول للوقوف على موسوقية الكتابة. النقطة دي في غاية الاهمية - [00:07:12](#)
شرحناها قبل كده هوية الكاتب الرسولية. مين اللي كتب الكلام ده؟ لازم يكون له سلطان رسولي. طب انا هاقدر اتأكد متأكد منين ان الكتابات دي بالفعل لها سلطان رسولي؟ ما اعرفش. لكن بما اني قبلت هذا الكتاب على انه له سلطان - [00:07:32](#)
وانه قانون وانه كتاب مقدس يبقى اكيد. انا مؤمن بان كاتبه له سلطان رسولي. ازاي قدرت اسبت ده مش مهم؟ لكن هو ده واقع المسيحيين وواقع الكنيسة. بما ان الكنيسة قبلت هذه الاسفار كاسفار مقدسة يبقى اكيد هي بتؤمن ان - [00:07:52](#)
رؤية الكاتب رسولية ان الكاتب رسول من رسل المسيح. ازاي تقدر تثبت ده مش مهم. هي اقتنعت بده وده الاهم عند النصراني. طبعا بنرجع مرة ثانية نتكلم عن الكنيسة على انه مصطلح هلامي. في الآخر بيشير الى بعض الاباء. يبقى بالتالي احنا ليه بنقبل -

[00:08:12](#)
بل هذا الكتاب على اساس هوية الكاتب الرسولي. تدريجيا فرزت الكنيسة بين وفرة الكتابات عن يسوع. ايه ده اذ كان كثيرون قد اخذوا بتأليف قصة في الامور المتيقنة عندنا. بداية انجيل لوكا اذ كان كثيرون قد اخذوا بتأليف قصة في الامور - [00:08:32](#)
قنا عندنا كما سلمها الينا الذين كانوا منذ البدء معينين وخداما للكلمة رأيت انا ايضا اذ قد تتبعت كل شيه من الاول بتدقيق ان اكتب اليك على توالي ايها العزيز توفيروس لتعرف صحة الامور التي علمت بها. طبعا فيه خلاف ما بين العلماء ازاي يقدرنا يفهموا عبارة اذ

كان كثيرون - 00:08:52

قد اخذوا بتأليف قصة في الامور المتيقنة عندنا. كما سلمها اليها الذين كانوا منذ البدء معينين وخداما للكلمة. كما سلمها اليها الذين كانوا منذ دول بدء معينين وخداما للكلمة دي بتعود على الكتابات الكثيرة ولا بتعود على الامور المتيقنة عندنا؟ يعني ايه الكلام ده -

00:09:12

يعني قطعاً ولا شك كاتب انجيل لوقا بيقول ان فيه ناس كتير كتبت عن الموضوع اللي هو بيكتب عنه. طب هذه الكتابات اللي كتبت قبل منه كتابات لها مصداقية وموسوقية والكتابات صحيحة بتعطي معلومات صحيحة ولا كتابات من حولة وبتقول - 00:09:32 كلام غلط فبالتالي بعض العلماء بيفسروا هذه العبارة ان في ناس كتير كتبت قبل مني رأيت انا ايضاً ان انا لازم اكتب لان واضح ان من الكتابات اللي اتكتبت قبل مني دي ما فيهاش الحق ليست كافية بشكل او باخر. سواء غلط او غير كافية او ايا كان لكن -

00:09:52

مع وجودها وجد الحاجة الى الكتابة مرة اخرى. ففي بعض الناس بيقولوا هي صحيحة بس غير كافية. ولوقا نفسه كان يقصد مسلاً انجيل مرقص او مصدر كيو او اي مصادر هو رجع اليها علشان يدون انجيله. فهي كانت مقبولة عنده لكنها غير كافية - 00:10:12 ووجد انه لازم يكتب هو كمان. في بعض العلماء بيقولوا لاً ان اللي موجود ده فيه معلومات صح وفيها معلومات غلط وفيها تضاربات وده ممكن يشكك المؤمنين فوجد الحاجة ان بما انه القصة دي سلمها اليها الذين كانوا منذ البدء معينين - 00:10:32 وخداما للكلمة رأيت انا ايضاً. اذ قد تتبعت كل شيء من الاول بتدقيق اني اكتب بقى انجيل اللي يقراه يعرف الصح من الغلط. هنا بقى اللي احنا عايزين نقوله ايه؟ ان فرزت الكنيسة برضه مصطلح الكنيسة بين وفرة الكتابات عن يسوع. كتابات كثيرة عن - 00:10:52 يسوع على اي اساس فرزت الكنيسة؟ ما نعرفش. لكن واضح ان الواقع هو ان كان فيه اناجيل كتير بانواع كثيرة ومش كلها عند

الكنيسة صح. وده امر عجيب جداً ان الكنيسة في النهاية تقبل اربع اناجيل بس من - 00:11:12

عدد كبير جداً من الاناجيل وجدت ان الاربعة اناجيل دول بس هم اللي يعني الباقي لاً الباقي حتى كاد ان الاناجيل الباقية دي تندثر تماماً. لولا ان احنا لقينا مخطوطات قديمة واسمه ايه ده المخطوطات بتاعة آآ نجع حمادي والكلام ده - 00:11:32 فرزت الكنيسة بين وفرة الكتابات عن يسوع وبدأ العهد الجديد القانوني بالتشكل في حوالي سنة مية ميلادية وضعت قائمة برسائل بولس وبحوالي عام مية وخمسين ميلادية تمت الموافقة على الاناجيل الاربعة. احنا عارفين ان اول - 00:11:52 واحد يتكلم عن رسائل بولس كان هو المهرطق تلميذ بولس ماركيون. ماركيون ما كانش تلميذ بولس المباشر لكنه كان تلميذه من ده الكتابات. ما فيش حد ينكر ابدأ ان ماركيون كان متشبع جداً بافكار بولس. وماركيون كان بيعتبر ان بولس هو اعظم - 00:12:12 سلطان اي حاجة ماركيون كان بيعتقد ان لها علاقة ببولس كانت بالنسبة له كتب مقدسة. فماركيون اختار عشر رسائل العبرانيين وتركت موساوس الاولى والثانية وتيتوس. واختار انجيل لوكا. طبعا المسيحيين بيقولوا ان ماركيون حرف هذه الرسائل - 00:12:32 وحرف انجيل لوقا ما علينا حكينا عن الموضوع ده قبل كده في فيديو تحريف الكتاب المقدس في سلسلة تحريف الكتاب المقدس. اللي انا عايز اتكلم عنه هنا ان الاناجيل الاربعة مين اول واحد من الالباء يتكلم عن الاناجيل الاربعة بطريقة توحى اليها - 00:12:52 انها كتب مقدسة ايريناوس اسقف ليون في كتابه ضد الاردقة. ده امتي؟ في حوالي مية وخمسين ميلاديا. يبقى بالتالي بنقدر نفهم ان الموضوع خد وقت طويل. حتى بالنسبة للاناجيل. وكان فيه اناجيل كتير والكنيسة فرزت الكتابات - 00:13:12

اللي بتتكلم عن يسوع وفي الاخر اختارت منهم اربع اناجيل واحنا ما نعرفش على اي اساس اختاروا الاربعة اناجيل دول تحديداً. بنقول الكلام ده بمعنى ان احنا ما نعرفش اختبارات عملتها الكنيسة. لكن احنا اكيد عارفين ان بما ان الكنيسة قبلت الاربعة اناجيل دول

يبقى هم - 00:13:32

بيؤمنوا ان لها مصدر وسلطان رسول. مرجع ثاني في غاية الاهمية قربنا منه قبل كده. تبع بطريركيت انطاكية وسائر المشرق لروم الارسوزو تاريخ قانون العهد الجديد من كتاب باليوناني ليوحنا كرفيدوبولوس. ترجمة عام الخميس واخذ جزء تاريخ قانون العهد -

00:13:52

جديد من كتاب معين. في الصفحة رقم ستة بيتكلم عن الاناجيل وبيقول الاتي. قبل اواسط القرن الثاني لم يكن معترف بالاناجيل على انها كتاب مقدس. في نصوص الاباء الرسولييين نلاحظ عددا قليلا جدا من اقوال الرب تقدم - [00:14:12](#)

كصف مقدس امر في غاية العجب. احنا عندنا كتابات العهد الجديد اقدم وثائق مسيحية مقبولة. وبعدين عندنا كتابات باقي الرسولييين تجد في العهد الجديد. انا بتكلم هنا عن الرسائل وبتكلم عن الرؤية اللي هو - [00:14:32](#)

اعمال الرسل والرسائل والرؤية. العهد الجديد بغض النظر عن الاناجيل. فيها قد ايه اقتباسات من كلام المسيح نفسه طب فيها قد ايه اقتباسات من الاناجيل؟ طب هي ازاى هتقتبس من الاناجيل؟ وواحد زي بولس كتب رسايله قبل - [00:14:52](#)

انا جيل تتكتب اصلا دي نقطة في غاية الاهمية. طيب سبك من كتبة العهد الجديد. الاباء الرسولييين اللي المفروض تبوب بعد العهد الجديد او اغلبهم او ايا كان ايه عدد الاقتباسات اللي اقتبسوها من الاناجيل؟ بنلاقي ان الموضوع قليل - [00:15:12](#)

جدا. وهنا بتكلم عن اقوال الرب. بغض النظر بقى اقوال الرب دي في انهي انجيل؟ وبعدين بيشير الى نقطة في غاية الاهمية بالطبع نجد فيها كلمة انجيل. يو انجليو. ده فين؟ في نصوص الاباء الرسولييين. انا عامل مجموعة - [00:15:32](#)

من الفيديوها عن الاباء الرسولييين في سلسلة مدخل الى دراسة المسيحية. بنلاقي في كتابات الاباء الرسولييين ان هم بيشيروا لحاجة اسمها انجيل بالمفرد مش بالجمع. العلماء بقى مختلفين. حول مقصد الاباء الرسولييين من - [00:15:52](#)

اشارة الى حاجة اسمها الانجيل. مع الاخذ في الاعتبار لنصوص قليلة جدا بتشير الى الانجيل بالمفرد مذكورة في الاناجيل. احنا بنعرف ان كلمة انجيل بشكل عام معناها بشارة. وانا بعتمد ان الامر ده له علاقة - [00:16:12](#)

الاية القرآنية التي تقول عن المسيح عليه السلام ان من ضمن اسباب بعثته ومبشرا برسول يأتي من بعد احمد. فالتبشير رسالة المسيح فيها التبشير ده. البشارة المفرحة فالانجيل كلمة انجيل معناها - [00:16:32](#)

رسالة المسيح كان فيها تبشير بمجيء سيدنا محمد وهكذا. بنلاقي في الاناجيل استخدام كلمة انجيل. بالمفرد. مش اناجيل بالجمع بنجد في رسائل بولس استخدام كلمة انجيل. بنلاقي في الاباء الرسولييين استخدام كلمة انجيل. من خلال الاطلاع على النصوص المختلفة في طريق - [00:16:52](#)

الاشارة الى الانجيل. يعني من ضمن النصوص المشهورة كتاب الديداخل. اللي هو المفروض انه منسوب لتلاميذ المسيح. من الكتابات المسيحية المبكرة جدا صلوا كما امركم الرب في انجيله. الرب له انجيل ايه المقصود بده؟ زي ما قلنا قبل كده النصارى - [00:17:12](#)

يؤمنوا ان المسيح عليه السلام ما كانش له كتاب. ما كانش له كتاب. فالتالي معناها ايه؟ صلوا كما امركم الرب في صيغة اليونان المستخدمة معناها اول الانجيل منسوبة للمسيح. ثانيا كأن الانجيل ده مرج - [00:17:32](#)

قاعد تقدر ترجع له علشان تعرف ازاى المسيح امر بالصلاة. بعض العلماء بيقولوا ان الاباء الرسولييين لما كانوا بيستخدموا الانجيل بالمفرد او انجيل الرب او انجيل يسوع او ايا كان المصطلحات دي الاباء الرسولييين كانوا بيقصوا انجيل معين من الاناجيل الاربعة - [00:17:52](#)

غالبا كانوا يقصدوا انجيل متى؟ ايه الدليل على كده؟ علشان بنلاقي ان اغلب الحاجات المشار اليها انها موجودة في الانجيل ده نفس المضمون او نفس المحتوى او نفس الكلام بنلاقيه موجود في انجيل متى. لكن احيانا مش بنلاقيه في ولا انجيل. في ولا انجيل من الاناجيل اربعة. دي - [00:18:12](#)

مشكلة كبيرة ومعروفة عند النصارى. هنا هو بيقول ايه؟ بالطبع نجد فيها اي في نصوص الاباء الرسولييين كلمة انجيل بالمفرد الا ان هذا المصطلح لا على الكتاب او الكتب التي تتضمن وانما يدل على كرازة الكنيسة عن المسيح. ده رأيه. الموضوع فيه مشكلة ومش بالبساطة - [00:18:32](#)

الاشارة الى كلمة انجيل بالمفرد. ده مكتوب في الانجيل. عمله زي ما الرب الف انجيل. وهكذا. في اواسط القرن الثاني يذكر يوستينوس جاستن مارتن يوستينوس الشهيد كلمة اناجيل بحالة الجمع التي يصفها كمذكر - [00:18:52](#)

لرسل ويخبرنا انها كانت تقرأ في اجتماعات العبادات المسيحية مع مؤلفات الانبياء. ان الرسل اوجدوا مذكرات كانت تدعى الاناجيل.

ده كلام الشهيد. بنقدر نفهم من هنا بشكل واضح من كلام يوستنوس الشهيد اللي في اواسط - [00:19:12](#) في القرن الثاني ان بدأت تظهر كتابات منسوبة للرسل بتتسمى اناجيل وان الكتابات ادي المنسوبة للرسل اللي بتتسمى اناجيل وصلت لمرحلة ما من القداسة. بحيث انها كانت تقرأ في اجتماعات العبادات - [00:19:32](#)

المسيحية مع الكتب المقدسة اليهودية. مع مؤلفات الانبياء انبياء العهد القديم. اذا في النصف الثاني من القرن الثاني يمكن الحديث عن تحوي الاناجيل الاربعة. خلي بالك هو هنا مش يقصد كلام يوستينوس. لأ. هو بيقول التطور. كما سيصبح بشكل واضح اجنبي - [00:19:52](#)

المعلومات التي وردتنا من اريناوس. اريناوس اسقف ليون ومن كتاب انجليين اخرين في نهاية القرن الثاني. يعني فكرة قبول طول الاناجيل الاربعة ويوحنا ده ظهر امتى؟ في النصف الثاني من القرن الثاني. عرفنا الكلام ده منين؟ من - [00:20:12](#) المعلومات التي وردتنا من اريناوس اسقف ليون في كتابه ضد الهرطقات ومن كتاب تميم. هنا تسعة بيقول اريناوس هو اسقف كان تلميذا للشهيد بول كاربوس اسقف ازمير ومعاصر ليوستفوس الشهيد. يعني في الاخر الموضوع حصل في تطور رهيب - [00:20:32](#) اول حاجة اقوال المسيح وقليل اللي كان بيقتبس من اقوال المسيح. وبعدين في كلام عن حاجة اسمها الانجيل. وبعدين الاناجيل. وبعدين بقى فيه كلام عن الاناجيل الاربعة. مرجع في غاية الاهمية قرينا منه قبل كده العهد الجديد نظرة ارتوذوكسية - [00:20:52](#) صفحة رقم اربعة وخمسين ايضا بيتكلم عن فكرة تطور قانونية الاناجيل. معروف ان يسوع لم يكتب شيئا. بغض النظر هو كتب ولا ما كتبش لان بحسب اعتقاد المسلمين احنا عندنا اعتقاد راسخ بان الله عز وجل انزل على المسيح كتابا اسمه الانجيل. لكن احنا - [00:21:12](#)

ما نعرفش تحديدا هل الانجيل كان زي التوراة ولا زي القرآن؟ التوراة كان كتاب مكتوب ربنا انزله على سيدنا عليه السلام. القرآن ما كانش كتاب مكتوب. ربنا انزله على سيدنا محمد او سيدنا محمد صلى الله عليه وسلم كتبه بايده. هو كان - [00:21:32](#) كتاب شفهي احنا دوناه كمسلمين بعد كده النبي محمد صلى الله عليه وسلم اختار كتبه وحي وهكذا. لكن الاصل في القرآن انه انقل شفاهما ما بين الناس. هل الانجيل كان زي القرآن؟ ما نعرفش. هل الانجيل كان زي التوراة؟ ما نعرفش. فبغض النظر ان يسوع لم يكتب شيئا وانت - [00:21:52](#)

تقوي يعني من المعلومة ده لا ينفي ان ربنا انزل عليه الانجيل. حتى لو المسيح ما كتبوش. هنا بيقول وقد وجه رسالته الى الشعب بالارامية العامية ممتلئا بالروح القدس تحدى معاصريه بالدعوة الى التجدد في اليهودية انتشر التعليم شفويا - [00:22:12](#) لجيل كامل قبل زهور الاناجيل المكتوبة. الاناجيل المكتوبة دي مش ما يعينش تحديدا الاناجيل اربعة. لأ. انا جيل مكتوبة. الانجيل جيل الازائية وهي الاقرب تاريخيا الى يسوع. مكتوبة باليونانية. متألفة باليوناني مش مترجمة عن حاجة. هذه - [00:22:32](#) بدورها تعتمد على تقاليد مسيحية سابقة ونصوص حول اعمال يسوع وكلماته تمت ترجمتها الى اليونانية ما نعرفش ازاى ولا مين اللي ترجمها. خلي بالك الكلام ده مهم. بي فهمك حسب التصور المسيحي الدنيا ماشية ازاى. اول - [00:22:52](#) ان المسيح نفسه وكلامه بينقل شفاهما. وبعدين الناس بدأت تدون الكلام اللي من قول عن المسيح شفاهما وبعدين ظهرت الاناجيل الازائية اللي هم متى ومرقس ولوقا. يوحنا مش من الاناجيل الازائية. لما يتقال الاناجيل الاربعة - [00:23:12](#) يبقى متى مره سلوك او يوحنا. لما يتقال الاناجيل الازائية متى ومرقس لوقا. الاناجيل الازائية دي جابت المعلومات اللي فيها منين قال لك والله هي بدورها تعتمد على تقاليد مسيحية سابقة. يبقى ده معناه رقم واحد. ان كتبت الاناجيل مش شهود - [00:23:32](#) انا لو شاهد عيان يبقى انا المصدر ما ارجعش لتقاليد سابقة. دي كتابات كتبها ناس متأخرين عن المسيح. واحتاجوا ان هم يرجعوا لمصادر تانية ياخدوا منها المعلومات اللي هم دونوها في الاناجيل. كويس. هذه بدورها تعتمد على تقاليد مسيحية سابقة -

[00:23:52](#)

نصوص حول اعمال يسوع كذا ما نعرفش بقى المصادر دي هي ايه ومدى دقتها وموسوقيتها ومصادقيتها وهكذا. تمت ترجمتها الى اليونانية واستعملت لحاجات الجماعات المسيحية ليس عندنا اي وصول واقعي تاريخيا او لاهوتيا الى الرب المتجسد - [00:24:12](#)

وبشرطه الا عبر هذه الوثائق المكتوبة التي تجسد التقاليدات الشفوية المكتوبة للمسيحية الاولى والله العظيم جسمي قشعر. ايه الاعتراف الجامد ده؟ النصارى ليس عندهم اي وصول واقعي تاريخي اولى هوتيا الى الرب المتجسد وبشرط الا عبر هذه الوثائق المكتوبة التي تجسد التقاليدات الشفوية - [00:24:32](#)

طوبى للمسيحية الاولى. هو ده اللي عندهم. صح غلط هو ده اللي عندهم. ما عندهم رفاهية ان هم ينقوا وما بين المصادر فيختاروا الاحسن واللاوثق والادق. ليس عندنا اي وصول واقعي تاريخي او لاهوتيا - [00:25:02](#)

الى الرب المتجسد وبشرطه الا عبر هذه الوثائق المكتوبة التي تجسد التقاليدات الشفوية المكتوبة للمسيحية الاولى. كلام واضح بكلام اخر عشان لو ما فهمتش الكلام الاولاني كما يعلمنا النقد الشكلي رغم التخمينات الجذرية لهؤلاء النقاد - [00:25:22](#)

ورداءة سمعتهم كلمات يسوع واعماله الموثوقة كانت موضع تأمل عبر القوى المحركة الجماعة المسيحية وتيار تقليدها الجاني. يعني هو عايز يقول لك ايه؟ احنا بنثق في اللي الجماعات المسيحية الاولى عملته - [00:25:42](#)

علشان خاطر تكون هذه الاناجيل زي ما هي. الاناجيل نفسها كتقايد مكتوبة كانت محترمة واستعملت في العبادة والتعليم بين الجماعة قبل وقت طويل من بلوغها وضعية القانونية العالمية في الكنيسة القديمة - [00:26:02](#)

عند نهاية القرن الثاني. يعني الاناجيل تم قبولها ككتابات قانونية بشكل عالمي تقريبا عند نهاية القرن تاني واحنا بنتكلم عن الاناجيل وهنشوف فيما بعد في اقتباسات اخرى؟ هل الاناجيل آآ كانت هي الكتابات اللي تم قبولها ضمن القانون - [00:26:22](#)

في الاول قبل رسايل بولس ولا رسايل بولس الاول قبل الاناجيل؟ هنشوف الموضوع ده بعدين. فيه بعض العلماء بيقلوا الاناجيل الاول والاناجيل اهم حاجة لكن انا بميل للرأي اللي بيقول لأ رسايل بولس كانت الاول. ورسايل بولس اهم حاجة. واي حاجة تانية اتقبلت علشان هي - [00:26:42](#)

مع اللي علمه بولس. بغض النظر ان يمكن الاناجيل فيما بعد اصبح لها قداسة اكبر من رسايل بولس. واللي المفروض في كلهم بقوا كتب قانونية مقدسة على قدم المساواة. ما فيش حاجة اسمها الاناجيل اهم من رسايل بولس ولا لا؟ ده عند النصارى الكلام ده. لكن - [00:27:02](#)

الرسايل بولس كانت بيتم استعمالها في العبادة والتعليم بين الجماعة زي الاناجيل انا هكتفي بهذا القدر في هذا الفيديو اقتباسات في غاية الاهمية بتأكد في النهاية ان حتى الاناجيل الاربعة اللي اغلبية النصارى بيعتقدوا ان هي اهم كتابات واقدس كتابات - [00:27:22](#)

وما كانش عليها خلاف وكانت مقبولة من البداية منز الجميع لأ. الموضوع خد وقته. الاناجيل خدت وضعية القانونية العالمية في الكنيسة القديمة عند نهاية القرن الساني. لو حاز هذا الفيديو على اعجابك فلا تنسى ان تضغط على زر اعجبني. ولا تنسى ان تقوم بمشاركة الفيديو مع اصدقائك - [00:27:42](#)

المهتمين بنفس الموضوع ولو كنت قادرا على دعم ورعاية محتوى القناة لو انت شايف ان هذا المحتوى يستحق الدعم والرعاية فقم بزيارة صفحتنا على بترون ستجد الرابط اسفل الفيديو الى ان نلتقي في فيديو اخر قريبا جدا باذن الله عز وجل. لا تنسوني من صالح دعائكم ولا تنسوا الاخ عبدالرحمن الشرقاوي من صالح دعائكم. والسلام عليكم - [00:28:02](#)

ورحمة الله وبركاته - [00:28:22](#)